

Pilemon

Pauloŋo Pilemon Wane Kibi Qe Mange

¹ Na Paulo, na Kristo Yesu wane ra more mulap urumgo gemaile, so kimaze Timoti, ŋeto kibi iwa qe kimase so miti ŋei kimase Pilemon qe ginmaite. So geŋaneka mida.

² Doku tau tau magu geŋane matko lewan, okanmami, so kiaroze Apia, so miti ŋei togogle so zonom gorop, kimaze Arkipus eŋane wenen motmaite.

³ Magaze Anutu Waomze Yesu Kristo erano ŋine wet pesek so peam ŋinano maine payake.

⁴ Naso banjem kimane Pilemon, geŋane eŋetŋone gorawe paki Anutune bakomine kito meŋeka okanmaile.

⁵ Ge Waom Yesu wane wetŋone so mali malipŋone motnom paki, Anutu wane ŋei ŋerep magu wet maep okanon okanmaine, ea wane naso banjem kisiŋone rau det okanmaile.

⁶ Ge ŋenerop mali malipze weku okanmaike, ea wane na Anutu meŋenkawe oŋo qesiŋgangi, mali malip yewano dereretŋone malotkeki, ge ban Kristo wano ŋine mosop wane weleine ma okanmaine, ea wane kine detlukkene.

⁷ Kima maepne, ge Anutu wane ŋei ŋerep magu wetene ma ewekenom paki, wet maep okanon okanmaine, pakimo wet maepŋoneŋo nanano wet pesek so togole togole zok suaine wakonmaike.

Pilimon Wane Qelit Mama, Onesimus Enjane Don

⁸ Ea wane nanjane wetko iwa yale. Welekatne, masi mane yemo ge maine okangene Kristo wane enjetko na maine don togole golatpe, ge masi ea maikene.

⁹ No silunj wet maepno ge so na wenenj geturanj notkimo, don pelekine golatmaile. Ea wane na iwa yale ramaile, na Paulo, na nej sele so na Kristo Yesu wane mulap nej.

¹⁰ Na Onesimus wane don iwa ra golatmaile, ge enje numa maine enje Kristo wane enjetko okankaikene, nae giponne okanmaike, yemo na iwa mulap urumgo metpe paki, magak okankawe paki, Kristo mali malip wane kine kito mangole.

¹¹ Ene alakanka eu urata gejone wenenj geki paki, maine mi mapitgane more make, no ukude yemo ge so na miti urata maine mapitjore mayake.

¹² Na mo mainge birakawe gejano umaike, so enjerop na wet dereretne so asune wenenj birakawe umaike.

¹³ Na don kisi maine ra qelanjanbe ea wane rau paki, mulap urumgo birananbi metkole, paki Onesimus ma walukkawe gejane tungo iwa mere urata qesinj naniakane detkole.

¹⁴ Nonjo anja togon ra ganbe qesinj nanikene nane mida! Nanjane similenjo, yemo ge gejone similenjonejo raki okanikene. Ea wane na mi ma walukkaikale, Gojo okenom, yemo maine okanikale.

¹⁵ Onesimus enje sot okane, naso bangoka biragane sari geke, ea mo yaup mida, gejano

koso zinge sari more, gerop naso banjem geulukeakane, yale okange.

¹⁶ Ukude eņe urata medep yauwine mi okanmaike, midakaka, eņe tanik yewa mo yuanike. Eņe mo kima wele, ea wane ņene wet maep okankaikene. Welekatne, na noņom eņane kima wele, yale detkawe paki wet maep okanka okanmaile. Ea wane ge eņane urata medep so Waom wane qelit ņei wele yale dere more, wet pesek manerop desikene.

¹⁷ Ea wane ge naņane detnom geņane urata ņei kimaņone okanmaileo, yemo ge Onesimus koso na wetņoneņo neukene, yale eņe wetņo maikene.

¹⁸ Ȧo eņe geņane kine kine mane matalike, me sota mane okangeo, yemo eņane eņetine sauke more, naņane eņet qekene.

¹⁹ Na Paulo, don iwa nae meteneņo koboine gemaile. Sot me turuņ yewa yemo baņ noņo makoke gingale. Pilemon ge nae mali malip medepne, yewaņo naņane mali malip wane sot me turuņ ea geņano pamaike, na daleo zok raikale?

²⁰ O kimane, na don golatmaile, iwa bakomse Waom wane ranom paki detnanikene. Ge so na ņere Kristo wano kima wele gemaitane, ge wet pesek okannom wetne menageake.

²¹ Na detlukmaile, ge aņa tewe tewekņone pamaike, wane na kine kine mane wane rawe, ge aņane tewekkene. Na yale detpe paki, kibi iwa qe ginmaile, so na detmaile, ge noņo rakale, yewaka mi okanikene, ge koso manerop takotke okanikene.

²² Eso koso don mane yemo iwa yale, ge nanane urum mane maulukenom okorayake, onoka wane na iwa yale wetkemaile, Anutu eņe korop ņinane meņe meņen wane turuņine maingeake, paki na koso mulap urumgo ņine qekoknane more, ņinano biranangi ukale.

Don Qoiqoine

²³ Epapras eņe ge “kaiwe maine”, ginmaike. Eņe weneņ narop mulap urumgo metmaite, ņere Kristo Yesu wane mulap ņei.

²⁴ So kima qesi qesiņkopne Mareko, Aristarkus Demas so Luka, eņe weneņ “kaiwe maine”, ginmami.

²⁵ Waom Yesu Kristo wane mosopņo ņinerop maine gewareake.

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

646541a1-8d36-5993-802c-6bb850da5963